

ՓԱՍՏԱՔԱՆ ՄԱԻ ՀԱԿՈՒՅԱՆԻ ՈՐԴԻՆ՝ ՀՐԱՇԻԿ ԱՎԵՏԻՍՅԱՆՆ ԱՅՍՕՐ ԿԴԱՌՆԱՐ 23 ՏԱՐԵԿԱՆ

17.10.2023 18:36



Հոկտեմբերի 17-ը փաստաբան Մաի Հակոբյանի որդու՝ Արցախյան 44-օրյա պատերազմում զոհված Հրաչիկ Ավետիսյանի ծննդյան օրն է: Այսօր նա կդառնար քսաներեք տարեկան:

Հայաստանի Հանրապետության և Արցախի Հանրապետության փաստաբանական համայնքի ներկայացուցիչներն իրենց հարգանքի տուրքը մատուցեցին Հրաչիկ Ավետիսյանի ընտանիքին՝ այցելելով Եռաբլուր զինվորական պանթեոն՝ նահատակի շիրիմին:

Փաստաբանները խնկարկեցին և ծաղիկներ խոնարհեցին Հրաչիկի շիրիմին: Գործընկերները վերհիշեցին Հրաչիկի հետ կապված ամենատարբեր պատմություններ, որոնք լավագույնս բնութագրում են նրա օրինակելի տեսակը: Մինչ պատերազմը, Հրաչիկը գերազանց ծառայության համար պարգևատրվել էր «Քաջարի մարտիկ» կրծքանշանով:

Անմահացած հայորդին պարգևատրվել է նաև Արցախի Հանրապետության պաշտպանության բանակի «6-րդ ՊՇ Անձնուրաց պաշտպան» և «Արիության» մեդալներով:

Թերևս նրա անսահման հայրենասիրության մասին է վկայում նաև անձնուրած կռիվը Մատաղիսում, որտեղ էլ հերոսը բռնել է անմահության ճանապարհը՝ հավատալով անկախ և ուժեղ հայրենիք ունենալու իր բաժին երազանքի իրականանալուն:

Եռաբլուր զինվորական պանթեոնում գործընկերները ծաղիկներ խոնարհեցին նաև իրենց մյուս գործընկերոջ՝ փաստաբան Խաչիկ Դանիելյանի՝ պատերազմում նահատակված որդու՝ Միքայել Դանիելյանի և այլ հերոսների շիրիմներին:

Եռաբլուր զինվորական պանթեոնում փաստաբանները հանդիպեցին նաև Արցախի Հանրապետության Պաշտպանության բանակի գնդապետ, Արցախի հերոս Կարեն Աղասու Ջալալյանին:

Հայրենասիրությունը նաև հայրենիքի համար զոհված հերոսների հիշատակն անմար պահելն է: Փաստաբանների պալատն իր պարտքն է համարում մշտապես լինել գործընկերների կողքին և Փաստաբանների պալատի նախաձեռնության համաձայն ամեն տարի փաստաբանական

համայնքն իր հարգանքի տուրքն է մատուցելու մեր հերոսների ընտանիքներին:









Վերադարձնալ \$(window).load(function(){ if(typeof \$(".fb_comments_count").html() != "undefined" && parseInt(\$(".fb_comments_count").html()) != 0){ updateCommentsCount(window.location.href); } })